

GENESIS

Altjirrala alkira etnanha, alhalka arrpmarnaka

- 1** Tjontintjala Altjirrala alkira etnanha, alha erinha turta arrpmarnaka.
2. Arna, kwatjalka lhanganhintja naka. Thapathapa impora inthorrala turta kwatja iparta erinha korltaka. Altjirraka Enka turta kwatja ekuranga kartninyala itnarlanaka.
 3. Altjirrantama angkaka, "Parrtja kala nitjika!" Parrtjantama naka.
 4. Altjirrala araka parrtja era marra namanga. Erantama parrtja erinha thapathapanga ilkngakaka.
 5. Parrtja erinhantama Altjirrala rretnya 'arla' alpmelaka, kanha thapathapa erinha rretnya 'ingwala'. Kala ngurrangurra naka, ingutnhantama naka, arlta arrkurlinya era.
 6. Altjirrantama angkaka, "Arrkngarta kala nitjika kwtjanga mpopala, kwtja erinha kartatharrilitjika." Kala lakinherrakantama.
 7. Altjirrala arrkngarta erinha mpaarakaka. Arrkngarta erantama kwtja erinha kartatharrilaka. Kwatja arrpunha arrkngartanga kartninalantama intaka, kanha kwtja arrpunha arrkngarta ekuranga kwaninyala.
 8. Altjirralantama arrkngarta erinha rretnya 'alkira' alpmelaka. Kala ngurrangurra naka, ingutnhantama naka, arlta arrpunha.
 9. Altjirrantama angkaka, "Kwatja ingkarraka etnala alkiranga kwaninyala namanga, etna katha nyintala porterritjika, arna rirrtja era katherritjinanga." Kala lakinherrakantama.
 10. Altjirralantama arna rirrtja erinha rretnya 'alha' alpmelaka, kanha kwtja porterrakala etnanha rretnya 'laiyala'. Altjirralantama araka nhanha marra inthorra namanga.
 11. Altjirrantama angkaka, "Alha era tharrka, marna, irnalka lyapulhelitjika. Nhanga marna twetakatweta, irna ntjarra turta marna twetakatwetakarta, nyintaminyinta annga ekuriltjakarta." Kala lakinherrakantama.
 12. Alha era tharrka, marna, irnalka lyapulhelaka. Marna twetakatweta. Irna ntjarra turta marna twetakatwetakarta, nyintaminyinta annga ekuriltjakarta, marna kwanala.
 13. Altjirralantama araka nhanha marra inthorra namanga.
 14. Altjirrantama angkaka, "Parrtja tharra alkirala nitjika, arlta ingwa turta ilkngakitjika. Eratharra turta arlta, lhurrpa, eturna, antalalka arratjilitjika.
 15. Eratharra turta alkirangatjina alha erinha parrtjilhelitjika." Kala lakinherrakantama.
 16. Altjirralantama parrtja kngarritjalkura era arltaka tjtjarterritjika, kanha kurrkalkura era ingwakala.
 17. Altjirralantama parrtja erinhatharra alkiraka arrarnaka alha erinha

parrtjilhelitjika. 18. Eratharra turta arltaka ingwaka turta tjitjarterritjika, parrtja turta ingwanga ilkngakitjika. Altjirralantama araka nhanha marra inthorra namanga. 19. Kala ngurrangurra naka, ingutnhantama naka, arlta 4.

20. Altjirrantama angkaka, "Kwatja etna ngarpangalhitjika kwtjarinya arrpunhakarrpunhakarta. Thepa arrpunhakarrpunha turta arnanga kartninyaala, alkira ekurala ilpanitjika." 21. Altjirralantama kwtjarinya kngarritja etnanha arrpmarnaka, kurka etnanha turta, twetakatweta kuta. Thepa arrpunhakarrpunha etnanha turta Altjirrala arrpmarnaka, twetakatweta kuta. Altjirralantama araka nhanha marra inthorra namanga. 22. Altjirralantama etnanha nyintaranga kutantaka lyika, etnanha lakinha ilamala, "Ntjarra inthorrerrarrirrai! Laiya ingkarrakala narrirrai. Thepa rrangkarra turta ntjarra inthorrerrarrirrai!" 23. Kala ngurrangurra naka, ingutnhantama naka, arlta 5.

24. Altjirrantama angkaka, "Arna ekuranga tnontha rratitjika, bullock-alka arrpunhakarrpunha, lhungkultja itnirrakanha arrpunhakarrpunha, tnontha itnura arrpunhakarrpunha turta, twetakatweta kuta." Kala lakinherakkantama. 25. Altjirralantama tnontha itnura etnanha mpaarakka, twetakatweta kuta, bullock-alka etnanha twetakatweta kuta, lhungkultja itnirrakanha etnanha turta twetakatweta kuta. Altjirralantama araka nhanha marra inthorra namanga.

26. Altjirrantama angkaka, "Nurna relha mpaariai nurna ngerra

inthorra. Etnantama kwtjarinya ntjarraka tjitjarterritjinanga, thepa alkirarinya ntjarraka, bullock-aka, tnontha itnuraka, lhungkultja arnala itnirrakarlapunhakalka."

27. Altjirralantama relhanha arrpmarnaka era ngerra inthorra. Altjirra ngerra inthorra era etnanha arrpmarnaka. Era etnanha orrea turta, marla turta arrpmarnaka.

28. Altjirralantama etnanha nyintaranga kutantaka lyika, etnanha lakinha ilamala, "Ntjarra inthorrerrarrirrai! Alha ntjaparala pmara rrakangkarra mpaari. Rrangkarra alha ekura tjitjarterri, irpannga ntjarraka, thepa ntjarraka, tnontha ntjarraka turta."

29. Kurunga Altjirrala etnanha ilaka, "Marnaka atha rrangkarranha marna annga ingkarraka nthama, etnala alhala mangkamanga. Atha rrangkarranha irna marnakarta ingkarraka turta nthama, marna nhanga etnala anngakarta namanga. 30. Kanha tnontha alharinya ntjarranha, thepa alkirarinya ntjarranha, lhungkultja itnirrakanha ntjarranha turta, nhanga aiyangkintjakarta ingkarraka etnanha purrama, atha tharrkalkala marnaka nthama." Kala lakinha naka.

31. Altjirrala kartarakantama ingkarraka erala mpaarakala. Era araka nhanha ingkarraka marra inthorra namanga. Kala ngurrangurra naka, ingutnhantama naka, arlta 6.

Arlta 7-ala Altjirranha iltjerraka

2 Alkira etna, alhalka ingkarraka kala nakantama.

2. Altjirrala urrkapuntja ekuranha kala mangkilakalangantama, era arlta 7-ala urrkapuntja ekuranhangha iltjerraka. 3. Altjirralantama arlta 7 erinha ilngakaka, era arlta tweta kuta nitjika, era urrkapuntja ekuranhangha iltjerrakalanga warta. Era turta arlta erinha lyekarrilaka.

4. Lakinha kunha Altjirrala alkira etnanha, alha erinha turta arrpmarnaka.

Eden, relhaka pmara arrkurlinya

Altjirra INGKARTA-ala nhanga alha erinha, alkira etnanha turta mpaaramalanga, 5. arna era irnakunya, tharrkakunya turta naka. Arna era karra lakinha naka, Altjirra INGKARTA-ala erinha itjantema kwtja ilpanthala nhakalanga. Artwa turta itja namanga arna erinha urlpelitjika. 6. Kwtja pentjanta arna kwananga tarlanitjata, arna ekura turtantama thalhalhanitjata.

7. Altjirra INGKARTA-alantama artwanha urrkapumala mpaarakka, arna urlpmurrranga. Erantama artwa erinha etathilaka, aalha ekuranha poiyilamala. Artwa erantama aiyangkaka, etatherraka turta.

8. Altjirra INGKARTA-alantama ekngarrala tnukulpa ingkairnaka, pmara Eden-ala. Era turta artwa erinha tnukulpa ekura arrarnaka.

9. Altjirra INGKARTA-alantama irna arrpunhakarrpunha etnanha arnanga mangkalhelaka, irna intorta etnanha purrama, marna marrakarta. Tnukulpa ekuranga tnarta mpopala irna tharra mangkaka. Nyintanga, relhala ekuranga marna ilkumanga, era ngampakala etatha nama. Arrpunhanga, relhala ekuranga marna ilkumanga, era kornaka pa marraka kaltjerrama.

10. Pmara Eden ekurala lhira kwtjakarta roa lhaka, tnukulpa erinha kwtja nthitjika. Tnukulpa ekuranga kala rratanhamalantama, lhira era urlpaiya 4-ntama erraka ...

15. Altjirra INGKARTA-alantama artwa erinha Eden ekura arrarnaka, tnukulpa ekurala urrkaputjika arnalika irlpelamala, tnukulpa erinha ntarntaritjika turtta. 16. Altjirra INGKARTA-alantama erinha ilaka, "Kala marna ilkwai, untala antja namala ngerra. 17. Irna arrpunha nhanganga pula, ekurangala relha kornaka marraka turtta kaltjerrama, ekuranga unta itja inthorrala ilkutjika. Unta paka irna ekuranga marna ilkumanga, unta arlta lenhalantema ilutjina."

18. Altjirra INGKARTA-anhantama angkaka, "Nhanha itja marra nama artwa era nyintarinya nitjika. Atha kala ekura ilkwatharra mpaaritjina, ilkwatharra ekura inthorra purrama."

19. Altjirra INGKARTA-alantama tnontha alharinya ingkarraka, thepa alkirarinya ingkarraka turtta arnanga urrkapumala mpaaraka. Erantama etnanha artwa ekururna kngitjika, artwa era etnanha rretnya alpmelitjika. Kala rretnya artwa erala etnanha alpmelakala, nhanha kala rretnya etnaka nakantama. 20. Artwa erantama bullock-alka etnanha rretnya alpmelaka, thepa alkirarinya etnanha, tnontha itnura etnanha turtta.

Ilkwatharra ekura inthorra pula artwa era itjala araka. 21. Kurunga Altjirra INGKARTA-ala artwa erinha ankwilaka, artwa era turtta ankwa kngarrantama intaka. Altjirra INGKARTA-alantama ttipma nyinta ulta ekuranhangga inaka, altjura erinha turtta wotha tjalkala marntilaka. 22. Ttipma lenhangantama, erala artwa ekuranga inakala, Altjirra INGKARTA-ala arrkutjanhantama urrkapumala mpaaraka. Erantama arrkutja erinha artwa ekururna rretjingaka. Arrkutja erinha aramala, 23. artwa era angkaka,

"Nhanhantamathoa ilkwatharra nuka inthorra era. Ngkwarna ekuranha kunha ngkwarna nukanhangga inakala, tjalka ekuranha turtta tjalka nukanhangga inakala. Erinha kala rretnya 'arrkutja' alpmelitjika, erinha artwanga inakalanga warta."

24. Lakinhangathoa, artwala kala kaarta pa mia ekuranha impurlalhama noakartantama nitjinala. Noarta eratharrantama mpurrka nyinterrama.

25. Artwa era, arrkutja noa ekura turtta, eratharra kala mantarrakunya ilkgara naka. Eratharra pula itja porerraka.

21. Altjirra INGKARTA-alantama Adam ekura, noa ekuranhaka turta mantarra mpaaraka yinpanga, erinhatharra korltaka turta.

22. Altjirra INGKARTA erantama angkaka, "Arai, relha eratharrataka nthurrpa nurna ngererrakantama, marraka kornaka turta kaltja. Eratharrantama irna nhanganga marna inakitja, ilkukitja turta, eratharra turtantama ngampakala etatha nakitja, eratharra kala pmara nhanhangga rratitjikanta." 23. Lakinhangga Altjirra INGKARTA-ala erinhatharra Eden tnukulpanga kala unpukanta, eratharra arna ekurala marnaka urrkaputjika, ekurangala Altjirrala artwa erinha urrkapumala mpaarakala.

24. Erinhatharra unpumala, Altjirrala Eden tnukulpa ekuranga ekngarra mpinyaka cherubim ntjarrantama ingkairnaka, knife tjenyakarta. Knife tjenya era linyalinya inthorra mpurlanaka. Lakinha Altjirrala tjaiya erinha parraka, relha lhakitja, marna erinha ilkukitja turta, marna nhanga erala relhanha ngampakala etathilama.

namanga. Lakinhangha yinga lauwulhaka."

11. Altjirra INGKARTA-ała pula erinha pmarraka, "Ngunhalama nganha alpmelaka unta mantarrakunya ilkngara namanga? Irna nhangangama unta marna ilkuka? Irna nhanganga, ekurangala atha nganha parrakala?"

12. Artwa era pula erinha alpmelaka, "Arrkutja nhanga untala yinganha ilkwatharraka nthakala, erataka yinganha irna nhanganga marna nthaka. Athantama ilkuka."

13. Altjirra INGKARTA-ala arrkutja erinhantama pmarraka, "Unta irna nhanganga marna ilkukama?"

Arrkutja era, erinha alpmelaka, "Apma erataka yinganha arrkarnaka. Athantama ilkuka."

14. Altjirra INGKARTA-alantama apma erinha ilaka,

"Unta arrkutja erinha arrkarnakalanga, atha nganha kornilama. Itja tnontha arrpunha ntjarranha. Kala nganha nyintanhanta wara. Unta kala tnarta ungkwanganhalantama lhijtjina, urlpmurra turta ilkutjina. Nhanha kala kutantaka nitjina.

15. Atha arrkutja mpalanha leltjakaleltjilitjina. Atha annga ungkwanganha, annga ekuranha turta leltjakaleltjilitjinantema. Arrkutjaka annga erantama kapurta ungkwanganha urrpmaltjitzina, kanha unta nururrka ekuranhala kakutjina."

16. Arrkutja erinhantama era ilaka,

"Unta kngarra ilkaartintjitzina unta katjiakarta namalanga, katjia ungkwanganha turta intitjikerramalanga. Unta artwa noa ungkwanganhaka kuta antjerritjina, era pula ungkwanga tjitarterritjinala."

17. Artwa erinhantama era ilaka, "Unta kunha arrkutja noa ungkwanganhaka kangkwerraka. Unta turta irna ekuranga marna ilkuka, irna nhanga ekurangala atha nganha parrakala itja ilkutjika.

"Lakinhangha atha arna erinha kornilamantama. Lyartanga unta kngarra inthorra urrkapumalanta marna ungkwanganha mangkalhelitjina. Lakinha nitjina unta ilutjinalpula.

18. Arna era lyaka, tharrka kornakornalkantama lyapulhelitjina. Unta turta itja wotha marna tnukulpa nhanganga ilkutjina, marna arrpunctantama.

19. Lyartanga unta marna ungkwanganhaka kngarra urrkaputjina. Lakinha nitjina unta wotha arnerritjinalpula. Arnangakwia atha nganha urrkapukala. Unta kunha urlpmurra wara nama, unta turta wotha urlpmurrerritjinantema."

20. Adam erantama arrkutja noa ekuranha rretnya 'Eve' alpmelaka, Eve era warta relha ingkarrakaka mia nitjinanga.

21. Altjirra INGKARTA-alantama Adam ekura, noa ekuranhaka turtamantarra mpaaraka yinpanga, erinhatharra korltaka turtta.

22. Altjirra INGKARTA erantama angkaka, "Arai, relha eratharrataknthurpa nurna ngererrakantama, marraka kornaka turtta kaltja. Eratharrantama irna nhanganga marna inakitja, ilkukitja turtta, eratharra turtantama ngampakala etatha nakitja, eratharra kala pmara nhanhanga rratitjikanta." 23. Lakinhangga Altjirra INGKARTA-ala erinhatharra Eden tnukulpanga kala unpukanta, eratharra arna ekurala marnaka urrkaputjika, ekurangala Altjirrala artwa erinha urrkapumala mpaarakala.

24. Erinhatharra unpumala, Altjirrala Eden tnukulpa ekuranga ekngarra mpinyaka cherubim ntjarrantama ingkairnaka, knife tjenyakarta. Knife tjenya era linyalinya inthorra mpurlanaka. Lakinha Altjirrala tjaiya erinha parraka, relha lhakitja, marna erinha ilkukitja turtta, marna nhanga erala relhanha ngampakala etathilama.